

國

朝

列

卿

紀

國朝列卿紀卷之一百八

巡撫廣東侍郎都御史等官年表

郭瑄

四川崇寧人永樂十九年以大理寺右寺丞巡視

楊信民

浙江新昌人永樂庚子舉人正統十四年以右僉都御史巡撫景泰元年卒於官諡恭惠

孟鑑

直隸博野人正統十四年以兵部左侍郎贊理軍務討廣寇黃肖養景泰元年改巡撫二年改撫南畿

揭稽

江西廣昌人永樂辛丑進士景泰二年以兵部左侍郎巡撫三年致仕

陳濂

浙江鄞縣人正統乙丑進士成化四年以右副都御史專巡撫廣東尋省革

李佑

貴州清平人嘉靖丁未進士四十五年以右僉都御史巡撫隆慶二年聽勘

熊桴

湖廣武昌人嘉靖庚戌進士隆慶二年以右僉都御史任三年卒於官

熊汝達

江西進賢人嘉靖甲辰進士隆慶三年以右副都御史任四年改撫浙江

吳時來

浙江仙居人嘉靖癸丑進士隆慶四年以右僉都御史任尋兼革

巡撫廣東行實

郭瑄字四川成都府崇寧縣人永樂元年由國子生擢兵科給事中十年陞大理寺右寺丞十九年定鼎北京 詔安撫天下命瑄出撫廣東考察官吏輯寧軍民本年以事竣還寺詳大理寺

楊信民名誠以字行浙江紹興府新昌縣人永樂庚子領鄉舉宣德庚戌擢工科給事中小心廉謹出使江西整點軍伍民情宿弊上疏 奏之皆當時急務改刑科有直言之節正統癸亥陞廣東左叅議受密 旨許言事招捕雷化高廉等州盜賊諸叛皆平蠻獠向化時按察使郭智所行多不法信民劾罷之黃

翰來受代而所爲益甚又劾之連僉事韋廣黃亦誣詆信民俱
逮下獄啓行時廣人爭携金帛就舟相贖俱不受而黃之舟則
擲以瓦石詈罵者相屬旣至法司鞠得實黃坐除名廣之軍民
耆老致仕官員及山徭洞人鹽場竈戶共一萬餘人連名具狀
相率赴三司保留乞備其事上聞亦有跋涉萬里直詣闕廷
稱寃者動以千計歲已巳車駕北狩胡虜猖獗朝廷用言
者起信民守白羊口是歲廣東都司囚黃蕭養越獄遂至嘯聚
守土者閉門自守召邊將禦之多爲所敗城中軍民朝不謀夕
鄉民避亂趨城至則閉門不納及歸盡爲賊所戕脇從者日益
衆賊爲輜輹車來攻城聲言楊大人家眷勿憂城破當護送還

鄉廣人寓京者聯名上章乞信民遂授左僉都御史勅往撫之至則廣城被困者數月矣卽開四門發倉廩賑饑下令有司給民木牌縱其出入賊見帶牌者皆曰楊大人所給俱不殺民皆喜悅相慶又出榜招撫之歸附者日以千計乃差桃山驛丞某及餘丁何普受等齎榜文入賊營招撫諭以恩信蕭養大喜簪花設宴約日至城投降信民冠帶單騎而出隨從者數人賊衆數十萬皆倒旗羅拜肖養跪訴泣下乞示以更生之路信民坐自如諭以禍福卽日投降者數千人餘皆謹譟而去越五日又至信民復往見賊以大魚獻信民受之不疑投降者又數千人未幾董都督統大軍至賊遂中變景泰元年三月五日有大

星殞於城外對岸之河南十二日質明都指揮使姚麟來白事
尚與啜茶談議忽疾作扶入臥內卽什矣城中軍民間信民卒
信疑相半旣得實爭走哭館下雖老嫗稚子亦至失聲滿城縞
素具牌位哭奠者相屬陷在賊中者聞之亦曰楊大人死吾屬
無生意矣黃蕭養亦爲文具祭計聞天子悼甚遣官諭祭信
民卒後僅閱月大軍卽平賊凡賊所經處盡屠之民仰天號曰
使楊公在吾人豈受此禍哉廣人追送柩還哭奠者阻塞道路
如喪考妣旣而耆老黎善聚等赴京奏請立廟於廣州額曰
惠濟春秋致祭水旱疾疫必禱焉民有事不得其平者輒具詞
焚告不直者輒恐懼服罪至今爲然成化己丑賜謚爲恭惠

孟鑑字克明直隸保定府博野縣人宣德癸丑進士擢吏科給事中歷吏科都給事中正統十四年南海賊黃蕭養初爲盜下獄越獄聚衆爲寇都指揮使王清出討之爲所殺遂僭稱東陽王據五羊驛爲行宮事聞陞爲戶部左侍郎同都督同知董興討之復以右僉都楊信民舊爲廣東叅議有惠政特命巡撫廣東信民將至民爭歸之賊衆日散信民旣卒鑑等益加招徠至是蕭養中流矢被擒斬之餘寇悉平遂以鑑巡撫景泰二年回部天順元年致仕後起南京工部左侍郎詳南京工部

揭稽字孟哲江西建昌府廣昌縣人永樂庚子鄉舉辛丑進士擢監察御史介然有守宣德十年陞任廬州府知府興利除害

有善政正統九年陞廣西左布政以廉恕聞景泰二年陞兵部左侍郎巡撫廣東海南天妃廟靈應使者過必祭焉稽當考察時渡此惟投一詩云秉心玉潔與水清黜陟廉貪佐 聖明若載苞苴并土物任教沉在此滄溟其清操可知三年以蠻賊不能平爲勅切責尋令致仕

陳濂字德清浙江寧波府鄞縣人正統乙丑進士授刑部主事累官廣東右布政使成化四年陞都察院右副都御史巡撫廣東地方廣人欣戴頌聲大作時薦歲兵興供應勞甚濂懇懇矜惻惟恐傷之自景泰以來兩廣總設督撫及都御史韓雍平廣寇奏兩廣地方請大臣分理故有是命五年起雍總督改濂督

潛餘詳漕運總督

國朝列卿紀

卷之一百八

五

國朝列卿紀卷之一百八終

國朝列卿紀卷之一百九

巡撫廣西侍郎都御史等官年表

雷

填

福建建安人革除庚辰進士擢工科給事中永樂二年巡撫三年卒於官

朱

侃

浙江海鹽人永樂癸未舉人十九年以通政司左通政巡撫宣德元年卒於官

李

棠

浙江縉雲人宣德庚戌進士正統十四年以刑部右侍郎巡撫兼督軍務景泰三年致仕

張

鵬

詳兵部尚書直隸涿水人成化四年以左僉都御史巡撫尋省革

殷正茂

直隸欽縣人隆慶三年專設以右僉都御史任以功加兵部右侍郎陞總督閩廣

郭應聘

福建莆田人嘉靖庚戌進士隆慶五年以右副都御史任

吳文華

福建連江人嘉靖丙辰進士萬曆三年出應天府尹陞右副都任六年陞戶部右侍郎

國朝列卿紀

卷之一百九

吳文華

見前萬曆十一年起兵部右侍郎兼僉都再任五月改刑部右侍郎

劉良弼

江西南昌人嘉靖乙丑進士萬曆十一年由光祿寺卿陞右僉都任十一月卒

吳善

福建龍溪人嘉靖壬戌進士萬曆十一年十一月由應天府尹陞右副都任十五年陞南京工部右侍郎

劉繼文

直隸靈壁人嘉靖壬戌進士萬曆十五年二月由四川左布政陞右副都任

陶大順

浙江會稽人嘉靖乙丑進士萬曆十六年由福建左布政陞右副都任十七年致仕

蔡汝賢

直隸華亭人隆慶戊辰進士萬曆十七年由廣東左布政陞右副都任

陳棨

湖廣應城人隆慶戊辰進士萬曆十年由四川左布政陞右僉都任

巡撫廣西行實

雷填字

福建建寧府建安縣人。黃除庚辰進士。擢工科給

事中。永樂二年命鎮守蘇松等處。六年命巡撫

廣西地方。安插夷民。三年卒於官。

朱侃字

浙江嘉興府海鹽縣人。永樂癸未鄉舉。入太學。擢

監察御史。遇事蹇蹇不阿。文廟重之。十一年擢通政司右叅

議。十九年陞左通政。時定鼎北京。詔安撫天下。命撫巡廣西地

方。考察官吏。安輯軍民。本年事竣。回京。又命督漕運。以稱職。稱

宣德元年卒於官。詳通政司。

李棠字宗楷。浙江處州府縉雲縣人。宣德丙午魁浙江鄉試。庚

戊中禮部會試 廷試賜同進士出身遭父喪水漿不入口者
三日服闋而哀不衰正統丙辰拜刑部河南司主事蒞官行已
一以古人爲師治獄法歐陽公求其生而不得然後論如法與
人交際不過嚴以取怨不苟同以求媚一時同官咸以先生長
者之禮事之己未 廷臣建存省京儲之議 詔六卿減部屬
視優劣而進退之尚書施禮不欲召怨於人以入官先後爲去
留棠遂需次南還抵金華行棗枵然從者以匱乏告棠曰家近
矣何過慮哉旣歸日侍母於別業承顏順色熙熙然惟恐少拂
其意別業中重構小軒前後層堦皆種菊扁眉曰菊莊時與門
人子弟嘯咏其中悠然有陶靖節東籬之趣越三年壬戌欲言

尚書魏源聞其賢薦起之癸亥八月調刑部山西司主事魏去
淮揚金源代之以嚴憚僚屬崇遇事據理辨是非雖被譴呵屹
不爲動肅宗伯恒時爲正郎深服其守正不撓久之金亦知爲
純德君子甲子夏薦授員外郎每有疑獄必召崇相可否乙丑
上降欽恤之典勅法司簡公勤詳慎之士分蒞諸道金以南畿地
廣獄多遂以屬崇 陛辭乃矢曰茲行苟取人一介當不生還
道遇故人沈樂安蔣水部淮安通判金華李某以精鑿銅蟾蜍
鞞見饋悉却之沈以蟾蜍爲清物強置於舟而去乃置諸水
所至覈奸直枉惟求公平賴全活者甚多竣事還京不數日河
南有謀殺商旅者久不得其情金復請於 朝命往廉之侍郎

薛希璉謂甫回輒遣能無獨賢之歎乎金曰勤勞臣子之常疑獄。朝廷所慎萬一有罪者生無辜者死我輩固不得辭其責李員外獨心安乎崇深以金爲知己忻然請行已而其事果白人皆稱之丁卯金以部屬正郎缺員數多首以崇薦。命下得江西部家宰太和王直颺言曰素聞李某賢江右之人其蒙福矣某衛刁軍誣千戶劉某謀逆無少長男女皆下獄連坐者幾百人不避利害悉爲直之劉感恩無由請謁謝其第率家人望門羅拜而去己巳秋八月 上親征北虜留守大臣薦其才德老成陞本部右侍郎階嘉議大夫十月奉 勅巡撫廣西道出淮揚金濂方凱自閩還握其手大笑曰公論之不可誣如此盛

喜朝廷用得其人也廣右災荒之地去京師幾萬里有祿食者習於宴安務掎刻尚姑息十常八九下車諭庶僚曰吾承

君命保障一方已不敢有其身矣爾輩當體此意以此身與此土相爲安危可也豈可以地方善惡介意惰其志安其逸私便其身圖自取不職之罪以負朝廷之任使哉而今而後恪勤職業者雖下僚待以殊禮爲聞而陟之儒不立頑不廉者在方

岳亦擯斥不貸用是廉能者勸不檢者自新法度詳明防範嚴密朔望請學官謁先聖畢退揖諸生親爲講說語以孝弟忠信禮義廉恥事民有不業農而喁喁仰賑貸者命分巡及屯田官給以種子使之耕種果有收民得其惠歲旱當賑濟致誠做

文於神雨應期而降先是諸司繫囚動涉旬月爲之期日非死
罪不許浹辰司刑之官夙夜敬慎滯獄一清令行政舉百姓歡
呼桂林有靖江王府悉裁之以義上不違 朝廷親親之心下
不失仁民之意王始雖不悅終深敬之然百粵之地羣酋非一
種雖承平之日叛服靡常景泰庚午東西相煽起慶遠抵柳州
數百里間居民竄匿道絕行者兵少糧缺乃察勢要託老疾者
俾從征餘丁三抽其一復調土兵益之設法給軍餉且廣屯衆
募民耕閒田以備日後之需信用賢能不師已見轉輸者不告
勞征伐者不畏死討捕招徠威懷並施未及三年獲俘賊以萬
計給還民男女踰千獲馬牛羊無算地方用寧 朝廷嘉其勲

命兼提督征蠻軍務事仍有白金綵幣之賜棠益圖報稱至忘寢食尋奉 聖書簡黜廣右諸司之庸懦不肖者一以公道處之人亦無不服都指揮黃琰殺其猶子土官知府瑯并其二子益土官邊徼遠臣生殺之柄自昔行於境內享有富貴蔭及子孫故庶孽往往推刃同氣甘心於弑逆而惟位是圖琰挾其衆多且驍勇肆行無忌棠外示優容中畫成算竟以事執之琰本逆犯在獄設計上疏請易儲用事者不悟其非反如所請而勞齊陞秩棠鬱忿成疾繼巡柳慶諸郡加冒嵐瘴疾日益甲戌上書乞養病告代還不持一物隨身書劔亦棄去不留復 命於朝明辰乘傳而還天順庚辰十二月卒於官壽六十有一

張鵬字騰霄直隸保定府涑水縣人景泰辛未進士擢監察御史以剛明稱大順丁丑率同列劾武臣石亨亨憾之構陷戍廣西南丹衛成化四年都御史韓雍平廣寇奏兩廣各設撫臣分理命鵬巡撫廣西地方鵬嘗謫居其地備詣民情土俗凡政令之出甚合時宜邊境用寧已言官劾中外大臣不職及之上獨留巡撫如故五年復起雍總督兩廣改鵬佐南院累官太子少保兵部尚書諡兵部

國朝列卿紀卷之一百寸

總督湖廣川貴軍務

湖廣自辰沅一帶迤貴州川東自嘉靖二十七年湖之麻陽鎮
軍貴之銅仁諸苗伺隙叛亂延議始設總督軍務大臣節制三
省至四十二年因言官建白裁革總督將川東湖北軍務俱聽
貴州巡撫兼督焉今錄履任者年表於後其行實見於事紀其
勳德茂著者表爲列傳

國朝列卿紀卷之一百十

總督川湖貴州右都侍郎年表

張

岳

福建惠安人正德丁丑進士嘉靖二十七年以都察院右都御史總督三十二年卒於官贈太子少保謚襄惠

屠大山

浙江鄞縣人嘉靖三十二年以兵部右侍郎兼僉都御史任詳應天巡撫

馮岳

浙江慈谿人嘉靖二十三年以兵部左侍郎兼僉都御史任以功陞右都御史詳南京刑部尚書

王

崇

浙江永康人嘉靖己丑進士三十六年以兵部左侍郎兼都察院右僉都御史任三十八年開住

石永

直隸威縣人嘉靖壬辰進士三十八年以兵部右侍郎兼右僉都任三十九年改戶部侍郎未任卒

黃光昇

福建晉江人嘉靖己丑進士三十九年以副都御史任詳刑部尚書

董威

河南信陽人嘉靖辛丑進士三十九年以都察院右副都御史任四十年調南大理寺卿未任開住

羅崇奎

江西南昌人嘉靖戊戌進士四十年以都察院右副都御史任四十二年開住

國朝列傳
卷之二十一
是年裁革令辰沅屬貴州巡撫轄制

總督川湖貴州行實

張岳字維喬福建泉州府惠安縣人正德丁丑進士嘉靖十年
任廣西提學僉事十一年改江西提學十二年謫廣東提舉歷
十八年陞浙江提學副使遷

年陞撫治鄖陽右僉都御史二十二年遷撫江西二十三年陞
兵部左侍郎兼左僉都御史總督兩廣二十六年遷兵部左侍
郎未任二十七年陞總督湖廣川貴軍務右都御史三十三年
卒於官贈太子少保謚襄惠

屠大山字國璽浙江鄞縣人嘉靖癸未進士三十二年以兵部
右侍郎兼僉都御史任詳應天巡撫

馮岳字望之浙江慈谿縣人嘉靖丙戌進士歷江西左布政使
三十一年陞順天府尹三十二年陞右副都御史巡撫湖廣三
十三年陞兵部左侍郎兼僉都御史任以功加右都御史三
十六年陞南京刑部尚書

王崇字仲德浙江金華府永康縣人嘉靖己丑進士三十二年
任右副都御史巡撫山西三十五年遷兵部左侍郎三十六年
兼左僉都御史出督湖廣川貴軍務二十八年閑住

石永字壽卿直隸廣平府威縣人嘉靖壬辰進士授中書舍人
乙未擢雲南道御史丙申巡山海關嚴部伍校技藝焯著風采
尋丁內艱服闋補河南道庚子按淮揚與廉斥墨不少假貸法

豪強爲民患者未幾疏乞養病歸壬寅起補山西道巡按四川所至訪吏治得失示勸懲有豪強按罪當流候永出伏刺客於橋下至則其人忽心疼作聲執之輸情請罪蓋鬼神默佑之也會監癸卯鄉試綜理周密號稱得人乙巳掌河南道大計京朝官持公秉正絕私交於小過不苛索備訪當事權有怙勢潛通關節及中傷善類者密呈臺長曰必去此爲公否則縱吏部與臺長去留一無異議忌公者陞知南陽府尋以事誣降判濱州怡然就任丙午陞南京太僕寺丞丁未陞平陽知府芟煩祛靡與民休息藩府競訟累年不決委曲開導訟乃息太宰張公潤稱其風寒貴戚感寢好豪戾申陞陝西副使駐甘州竭力經

管郊行見原隰草木蒼感詢知舊爲水田以地震泉涸遂求濬其泉五十餘處灌田八百餘頃居民爭復業庚戌陞陝西右叅政視涼州地宜耕募民墾闢導泉以資溉甲寅陞陝西按察使特憲明慎民以不寃乙卯陞江西右布政丙辰轉山西左布政使未抵任陞都察院右僉都御史巡撫延綏至則飭將練兵葺冗役禁包占懲負販養勇敢謹間謀有點虜扼仄條溝隘計斬之前後斬首級獲駝馬器械甚衆節蒙金幣之賚凡三任朔方歷九年民戴之尤深丁巳陞南京大理寺卿戊午改南京兵部右侍郎己未陞兵部左侍郎兼右僉都御史總督湖廣川貴等處軍務一崇寬大略細刻率屬以廉凡事責實效一切文具蠲

盡徭賊沈雅當高快馬等勢猖獗公督將士直禱其巢於激浦
縣龍潭等諸洞捷聞 賜白金三十兩彩幣二表裏方隅晏然
時督撫請調桑麻等司兵禦倭永上疏極論不便乞免調安地
方省錢糧蒙 俞旨著爲令三十九年召爲戶部左侍郎瀕行
疾作三省以藥費贐禮致餽正言却之疾篤總兵不邦憲副使
李心學問所欲言自軍國外無一語尋終二君爲治欽視其索
中無一物胥嘆以爲不可及云

黃光昇字明舉福建晉江縣人嘉靖己丑進士三十六年任巡
撫四川右副都御史三十九年改督川湖

貴州軍務詳刑部

尚書

董威字重民河南汝寧府信陽州人嘉靖辛丑進士三十二年任大理寺右寺丞添註三十三年填補三十四年轉左三十六年陞本寺右少卿本年陞巡撫延綏右僉都御史三十九年改撫保定尋陞右副都御史總督川湖貴州四十年調南京大理寺卿未任閑住

羅崇奎字子文江西南昌府南昌縣人嘉靖戊戌進士任吏科右給事中

三十九年任巡撫四川右副都

御史四十年以原官改督川湖貴州四十一年閑住

國朝列卿紀卷之一百十一

巡撫湖廣贛理軍務

湖廣古荊州地漢置荊州部刺史領南郡江夏長沙武陵桂陽零陵等郡國而不常所治東漢荊州初治漢壽後治江陵唐貞觀中領以山南道開元間增置十五道採訪處置使而山南東道治襄陽以諸郡隸之兼分入黔中淮南及江南西道後改採訪爲觀察其治仍舊永泰間始置鄂岳觀察使於鄂州宋置荆湖南北二路及京西南路安撫司以潭州江陵襄陽守臣兼領又於襄陽衡州澧州各置提點刑獄司元置湖廣等處行中書省及江南湖北道肅政廉訪司於武昌又置荆湖北道宣慰司

及山南江北大道肅政廉訪司於江陵置湖南道宣慰司及嶺北
湖南道肅政廉訪司於潭州。本朝置湖廣等處承宣布政使
司領武昌黃州荊州常德永州寶慶辰州長沙衡州襄陽岳州
漢陽德安一十三府安陸郴靖沔陽四州及五寨長官司而安
陸至嘉靖初改爲承天府建興都焉置湖廣都指揮使司領武
昌武昌左靖州沔陽長沙常德永州永定衡州岳州辰州平溪
清浪九谿鎮遠偏橋寧遠沅州五開承天瞿塘黃州蘄州銅鼓
施州寶慶茶陵諸衛永順保靖二宣慰司枇杷桃川二所容美
宣撫司置行都司於鄖陽領襄陽鄖陽荊州荊州右衛枝江德
安夷陵長寧澧州五千戶所置湖廣等處提刑按察司分武昌

上湖南下湖南湖北荆南荆西六道監察諸府州衛所自正統三年命都御史賈諒鎮守地方以後或以侍郎或以大理卿出撫至景泰元年以後定議都御史便舉劾遵守至今然湖廣道通九省冠蓋輻輳武漢德安民貧地瘠承天陵寢所在費冗事繁荆岳鄖襄黃沔之間瀕遭水患盜且乘之長衡常德困憊辰沅永保半爲賊穴每肆劫爭欲一維固圍保障全楚可無久遠之慮嗚呼詳各官官履於後其行實見於事紀其勳德茂著者表爲列傳若奉勅有事茲上者另列於首云

國朝列卿紀卷之一百十一

勅使湖廣尚書侍郎都御史年表

師

達

山東東阿人永樂四年以吏部侍郎採木十九年復巡撫湖廣詳南京戶部尚書

郭

璉

直隸新安人永樂十年以工部侍郎督武當山宮觀後改行在詳吏部尚書

劉廣衡

江西萬安人景泰三年以右副都御史糾察庶官

石

璞

河南臨漳人景泰七年以兵部尚書討湖廣苗寇天順元年事平還京詳南院左都

白

圭

直隸南宮人成化四年以工部尚書討劉千斤石和尚擒之

楊

璿

直隸無錫人正統壬戌進士成化四年以右副都御史撫荆襄流民事完回院詳河南巡撫

項

忠

浙江嘉善人進士成化七年以右都御史總督荆襄軍務平流賊石和尚本年以功還院詳兵部尚書

原

傑

山西陽城人成化九年以右都御史巡視荆襄詳南京兵部尚書

何

鑑浙江新昌人弘治十八年以刑部左侍郎兼左僉都御史清查河南湖廣陝西戶口

畢

亨山東新城人正德二年以南工部右侍郎巡視災傷

韓

福陝西西安前衛人進士正德三年以戶部左侍郎兼副都御史整理湖廣糧餉

洪

鍾浙江錢塘人正德五年以刑部尚書兼左都討沔陽洞庭木寇丘仁揚濟

吳廷舉

廣西蒼梧人正德十二年以右副都御史賑恤湖廣十六年回京詳南京工部尚書

陳

雍浙江餘姚人正德十三年以工部右侍郎採木湖廣

伍文定

湖廣松滋人嘉靖七年以兵部尚書提督雲南川湖軍務

萬

鏜江西進賢人進士嘉靖二十二年以右副都御史勘處辰沅苗情詳吏部尚書

湖廣巡撫侍郎都御史年表

賈

諒山東嶧縣人舉人正統二年以右副都御史鎮守詳都察院

吳政 浙江麗水人進士正統四年以工部右侍郎出鎮五年回部詳南京工部侍郎

蔡詢 七年以大理寺卿出鎮

王永壽 山西太原人舉人正統十一年以工部右侍郎出鎮十三年回部詳南京工部尚書

王來 浙江慈谿人舉人正統十四年以右副都御史鎮撫河南湖廣詳南京工部尚書

蔡錫 浙江鄞縣人舉人正統十四年以大理寺卿出撫湖廣詳大理寺卿

王暹 浙江山陰人進士景泰元年以右副都御史巡撫河南湖廣考察官員

李實 四川合州人正統壬戌進士景泰元年以都察院右都御史出撫湖廣天順元年開任

白圭 直隸南宮人進士天順元年以右副都御史巡撫兼理貴州軍務詳兵部尚書

王儉 四川銅梁人進士天順七年以左僉都御史任成化元年改撫貴州詳都察院左僉都

羅箎 江西南昌人進士成化二年以右副都御史任詳南京都察院副都

吳

琛

直隸繁昌人進士成化六年以右僉都御史任詳兩廣總督副都

劉

敷

江西永新人進士成化十年以右副都御史任詳都察院右都

吳

誠

浙江錢塘人進士成化十五年以右副都御史任詳雲南巡撫副都

白行順

陝西清澗人正統戊辰進士成化十六年以右副都御史任十七年致仕

馬

馴

福建長汀人正統乙丑進士成化十七年以右副都御史任十八年致仕

吳

檟

直隸博野人天順甲申進士成化十八年以右副都御史任二十年致仕後起總督南京糧儲

梁

璟

山西崞縣人進士成化二十年以右副都御史任二十三年回籍詳南京戶部尚書

鄭

時

直隸舒城人進士弘治元年以右副都御史任詳南京刑部尚書

謝

綬

江西樂安人進士弘治三年以右副都御史任詳南京禮部尚書

韓

文

山西洪洞人進士弘治六年以右副都御史任詳戶部尚書

樊瑩

浙江常山人進士弘治八年以右副都御史任本年養病詳南京刑部尚書

徐恪

直隸常熟人進士弘治八年以右副都御史任詳南京工部右侍郎

沈暉

直隸宜興人進士弘治九年以右副都御史任詳南京工部右侍郎

閻仲宗

陝西隴州人進士弘治十一年以右副都御史任十五年改理院事

韓重

山西絳州人進士弘治十五年以右副都御史任詳南京工部尚書

王鑑之

浙江山陰人進士弘治十八年以右副都御史任詳刑部尚書

郝志義

陝西清澗人進士弘治十八年以右副都御史任詳南京戶部侍郎

湯全

直隸華亭人成化壬辰進士正德元年以右副都御史任正德二年致仕

劉纓

蘇州衛籍江西新淦人進士正德二年以右副都御史任詳南京刑部尚書

張子麟

直隸藁城人進士正德三年以右副都御史任詳刑部尚書

王綸

浙江慈谿人成化甲辰進士正德三年以右副都御史任五年丁憂卒於途

陳鎬

南京欽天監籍浙江會稽人成化丁未進士正德五年以右副都御史任七年致仕

劉丙

江西安福人進士正德七年以右副都御史任詳川湖督木侍郎

陳璘

山西陽曲人進士正德九年以右副都御史任本年改撫延綏

秦錫金

直隸無錫人進士正德九年以右副都御史任詳南京兵部尚書

席書

四川遂寧人進士正德十六年以右副都御史任詳內閣

張琮

應天江寧人進士嘉靖元年以右副都御史任詳南院右都

黃衷

廣東南海人弘治丙辰進士嘉靖四年以右副都御史任詳川湖督木侍郎

孫脩

直隸邯鄲人弘治乙丑進士嘉靖六年以右副都御史任七年閑住後起南京都察院右副都御史

朱廷聲

江西進賢人弘治己未進士嘉靖七年以右副都御史任詳刑部右侍郎

凌相 直隸通州人弘治己未進士嘉靖九年聽勸

汪珊 直隸貴池人正德辛未進士嘉靖十一年以右副都御史任十二年開任後起撫貴州詳南京戶部右侍郎

林大輅 福建莆田人正德甲戌進士嘉靖十二年以右副都御史任十三年自陳致仕

翟瓚 山東昌邑人正德甲戌進士嘉靖十五年以右副都御史任十五年開任

顧璘 應天上元籍直隸吳縣人弘治丙辰進士嘉靖十五年以右副都御史任詳南京刑部尚書

陸杰 浙江平湖湖入正德甲戌進士嘉靖十七年以右副都御史任詳工部右侍郎

車純 浙江上虞人正德丁丑進士嘉靖二十四年以右副都御史任二十四年回籍

姜儀 江西南昌人正德甲戌進士嘉靖二十四年以右副都御史任二十七年降參政未任

林雲同 福建莆田人大輅宗姪嘉靖丙戌進士二十七年以右副都御史任二十八年聽勸起刑部右侍郎

屠大山 浙江鄞縣人嘉靖癸未進士二十九年以右副都御史任詳南直隸總督侍郎

翁之溥

浙江諸暨人嘉靖己丑進士三十一年以右副都御史任詳南京刑部尚書

馮岳

浙江慈谿人嘉靖丙戌進士三十二年以右副都御史任詳南京刑部尚書

汪大受

直隸婺源人嘉靖己丑進士三十二年以右副都御史任三十五年開任

李憲卿

直隸常熟人嘉靖戊戌進士三十三年以右僉都御史任詳都察院右副都

趙炳然

四川劍州人嘉靖乙未進士三十六年以右僉都御史任三十七年丁憂

陳仕賢

福建福清人嘉靖壬辰進士三十七年以右副都御史任三十九年回籍

劉崧

直隸無爲人嘉靖甲辰進士三十九年以右僉都御史任四十年開任

張雨

江西萬安人嘉靖戊戌進士四十年以右僉都御史任四十一年回院未任開任

房廉

浙江新城人嘉靖辛丑進士四十二年以右副都御史任本年開任

徐爾金

江西豐城人嘉靖辛丑進士四十二年以右副都御史任四十二年丁母憂

谷中虛

山東海豐人嘉靖甲辰進士四十四年以右僉都御史任陞陝西巡撫右副都御史

楊豫孫

直隸華亭人嘉靖丁未進士四十五年以右僉都御史任陞大理寺卿未任卒於官

劉 懋

江西萬安人嘉靖甲辰進士隆慶元年以右僉都御史任陞南大理寺卿

張 狷

廣西馬平人嘉靖癸未進士隆慶四年以右僉都御史任陞兵部右侍郎

汪道昆

直隸歙縣人嘉靖丁未進士隆慶五年以右副都御史任陞兵部左侍郎

阮文中

江西南昌人嘉靖癸丑進士萬曆元年以右副都任六年卒於官

趙 賢

河南汝陽人嘉靖丙辰進士隆慶六年以浙江按察使陞右僉都御史任萬曆二年陞協院左僉都

陳 瑞

福建長樂人嘉靖癸丑進士萬曆四年以右副都御史任陞南刑部右侍郎

王之垣

山東新城人嘉靖壬戌進士萬曆六年由順天府尹陞右副都任八年十月陞戶部右侍郎

陳 省

福建長樂人嘉靖己未進士萬曆八年起右副都巡撫十年陞兵部右侍郎兼僉都仍任十一年致仕

李

江

錦衣衛籍武定州人嘉靖己未進士萬曆十一年由廣東左布政陞右副都任十四年陞南京刑部侍郎

孫

坤

河南睢州人嘉靖壬戌進士萬曆十四年由南太常卿陞右副都任十月調南京用

邵

陞

浙江餘姚人隆慶戊辰進士萬曆十六年起右僉都任十七年陞協院左僉都

秦

耀

直隸無錫人隆慶辛未進士萬曆十七年由南贛陞右副都任十八年以屬官論謫戊

李

楨

陝西慶陽衛人隆慶辛未進士萬曆十八年由順天府丞陞右僉都任

勅使湖廣行實

師達字九達山東東阿縣人歲貢歷吏部侍郎永樂四年營北
京宮殿 命採木湖廣十九年復 命巡視湖廣安撫軍民二
十年署南京禮部事詳南京戶部尚書

郭璉字

直隸新安縣人國子生歷工部右侍郎永樂九年

督湖廣武當山宮觀事集而人不擾事竣回部詳吏部尚書

劉廣衡字克平江西萬安縣人永樂甲辰進士歷都察院右副
都御史景泰三年奉 命糾察湖廣庶職之廉貪者凡所黜陟
人服其公且條陳軍民利病數事多見采納既還勞以羊酒詳

刑部尚書

石璞字仲玉河南臨漳縣人永樂庚子鄉貢景泰七年湖廣苗
叛奸民李珍魏玄冲爲向導引之寇掠作讖文以誑諸不逞者
民用大擾命璞以兵部尚書提軍往勦璞以計擒珍玄冲檻
送京師苗平還部詳南京都察院

白圭字宗玉直隸南宮縣人成化四年以工部尚書討劉千斤
石和尚生擒之見鄖陽

楊璿字叔璣直隸無錫縣人成化四年以右副都御史撫處荆
襄南陽流民見撫治鄖陽

項忠字蓋臣浙江嘉善縣人成化七年以右都御史總督軍務
討流賊石和尚見撫治鄖陽

原傑字子英山西陽曲縣人成化十二年以右都御史巡視荆襄等處見撫治鄖陽

何鑑字世充浙江新昌縣人成化己丑進士弘治十八年以刑部左侍郎兼都察院左僉都御史覈查湖廣戶口鑑刊條檄申詳勅旨事件俾各知遵守躬親巡歷奏委藩臬分方任職隱藏者省發飛射者釐正流寓者不遣歸者無禁軍民匠灶各從其籍聯而爲甲圖而爲里設畸零帶管以處無歸之民竣事

賜羊酒寶鈔因疏處置十事以聞詳兵部尚書

畢亨字嘉會山東新城縣人成化乙未進士歷南京工部右侍郎正德二年湖廣河南災命兼右僉都御史巡視至其地畫

無遺策境賴以安詳工部尚書

韓福字德夫陝西西安前衛軍籍成化辛丑進士正德二年歷戶部左侍郎命兼左副都御史督理湖廣逋賦福附逆瑾以幹辦取容操切嚴急民甚苦之詳戶部侍郎

洪鍾字宣之浙江錢塘縣人成化乙未進士歷刑部尚書兼左都御史掌院事正德五年命總川陝湖河四省軍務計擒沔陽水寇丘仁楊清殲之六年勅與巡撫林俊勦川賊藍廷瑞鄂本恕平之又勘平土官楊友楊愛復其業加太子太保詳都

察院

吳廷舉字獻臣湖廣嘉魚縣人成化丁未進士正德十三年湖

南畿以右副都御史賑濟 勅勘永順保靖兩江口夷情堅阻
約束條奏還京復 命往湖廣定諸夷地界又疏六事詳南京
工部尚書

陳雍字希冉浙江餘姚縣人成化甲辰進士正德十三年任工
部右侍郎兼左僉都御史總督湖廣川貴三省採辦大木奉

命奔走勞瘁弗恤獲大木數萬集都下 賜麒麟服三襲 世廟

卽位遣祭太嶽太和山及四川梓潼木山迺金幣之賜詳南京工
部尚書

伍文定字文定湖廣松滋縣人弘治己未進士嘉靖七年以兵
部尚書提督川湖雲南軍務

萬鏗字

江西進賢縣人弘治乙丑進士嘉靖二十二年以

右副都御史勘處辰沅苗情詳吏部尚書

巡撫湖廣行實

賈諒字子信山東嶧縣人永樂辛卯舉人正統三年以右副都御史鎮守撫緝有方陟黜惟允詳都察院副都

吳政字

浙江麗水縣人初名善才永樂乙未進士授禮部

主事正統四年以工部左侍郎鎮守湖廣五年回部詳南京工部侍郎

蔡詢字

人正統七年以大理寺卿鎮守湖廣

王永壽字本仁山西太原縣人永樂癸卯舉人正統十一年以

工部右侍郎鎮守湖廣地方凡事務存忠厚不爲急切之政十三年回部詳南京工部尚書

王來字原之浙江慈谿縣人宣德丙午舉人授新建教諭拜江西道御史歷河南左布政正統十四年以都察院右副都御史巡撫湖廣河南景泰元年陞右都御史兼大理寺卿勦湖廣貴州等處苗賊苗王韋同烈平之并撫定東西苗蠻論爭田土官安龍富等各悔悟罷兵詳南京工部尚書

蔡錫字廷予浙江鄞縣人永樂癸卯舉人正統十四年任大理寺卿奉勅巡撫湖廣時歲饑設法賑濟全活者數萬家肖像祝之尋乞骸骨歸一室蕭然詳大理寺卿

王暹字景暘浙江山陰縣人永樂戊戌進士授刑部主事歷陝西右布政使景泰元年以右副都御史勅撫河南湖廣聽便宜行事考察官吏去留惟允詳河南巡撫


李實字

四川合州人正統壬戌進士任禮科都給事中時

英廟北狩累進讜言景泰元年北虜請和議遣使報復特陞兵部右侍郎充正使尋改禮部右侍郎以往卒之上皇回鑾雖揚善之力而實不辱君命功不可泯尋陞右都御史巡撫湖廣天順元年閑住見禮部侍郎

白圭字宗玉直隸南宮縣人正統壬戌進士天順元年湖廣實州苗賊弗靖特陞都察院右副都御史巡撫其地時賊據險乃

多爲疑兵分道進攻賊不能支遁去擒渠酋斯之餘黨悉平在
湖二年興利除害善政甚多嘗有勅造戰艦甚急衆議賦材
於民去不可請於藩府以抽分木代造民德之二年陞兵部右
侍郎詳兵部尚書

王儉字  四川銅梁縣人正統己未進士天順七年以左僉
都御史巡撫成化元年改撫貴州詳都察院僉都

羅篔字應韶江西南昌縣人正統乙丑進士拜河南道御史成
化六年以右副都御史巡撫時苗獠鬪殺諭以恩威悚息其不
率者畫奇擊之遂擣其巢歲饑緩催徵諭富室及出官帑以糴
粟六十萬民用以甦成化六年召掌南京都察院詳南院副都

吳琛字與璧直隸繁昌縣人景泰辛未進士成化六年以右僉都御史任時湖久不雨琛禱不數日霑足撫郡邑問民疾苦窮僻之區無不至者在湖五年威行惠施殊俗輯和會花馬池達寇入境兵部奏擬與陝西易置而湖廣鎮守三司上章留琛甲午有旨許留進右副都御史十年改督兩廣詳兩廣總督

劉敷字叔榮江西永新縣人景泰辛未進士累官福建左布政使成化十年以巡撫浙江右副都御史移撫湖廣以荆襄分封日滋營造民力日屈奏請定制府第大小會計工價多少給各府從宜繕修朝議是之定爲例中貴至湖採辦金課乃極言其弊罷之靖州苗作亂勅敷同總兵李震平之捷奏進左副都

御史荆襄流民平與都御史原傑議奏設鄖陽府及都可以統
治之十五年致仕詳都察院右都

吳誠字

浙江錢塘縣人景泰辛未進士成化十四年任湖

廣左布政使十五年陞右副都御史巡撫十六年改撫雲南詳
雲南巡撫

白行順字

陝西延安府清澗縣人正統戊辰進士成化十

六年以右副都御史任十七年致仕

馬馴字

福建汀州府長汀縣人正統乙丑進士成化十七

年以右副都御史任十八年致仕

吳檀字

直隸保定府博野縣人天順甲申進士成化十八

年以右副都御史任二十年致仕弘治三年起總理糧儲閑住
梁璟字廷美山西崞縣人天順甲申進士成化二十年由左布
政使陞右副都御史巡撫二十三年回籍詳南京戶部尚書

鄭時字宗良直隸舒城縣人景泰辛未進士弘治元年由撫治
鄖陽左副都御史改撫湖廣三年陞南京兵部右侍郎詳南京
刑部尚書

謝綬字維章江西樂安縣人弘治二年由雲南左布政使陞右
副都御史巡撫爲人忠厚不爲赫赫之聲人皆陰受其賜六年
改工部右侍郎詳南京禮部尚書

韓文宇貫道山西洪洞人成化丙戌進士弘治二年陞雲南左

布政使六年以右副都御史巡撫兼贊理軍務值歲歉乞蠲諸郡逋賦以蘇民八年改撫河南詳戶部尚書

樊瑩字廷璧浙江常山縣人天順甲申進士授行人歷應天府尹弘治八年以左副都御史巡撫兼贊理軍務錦田賊與猗獍爲寇瑩下令惟擒首惡餘不問賊聞稍散去遂得其倡亂者置之法一方以寧於時水旱連二十州而藩府繕修未息衡州等處乏鹽奏通廣鹽收餘利以助工作給賑濟又奏停綾紗紙銀數萬兩奏減襄府琉璃瓦參以常瓦奏止安陸州展北城以益藩府地凡省費數十萬尋以疾乞休詳南京刑部尚書

徐恪字公肅直隸常熟縣人成化丙戌進士弘治八年由巡撫

河南右副都御史調撫湖廣親藩之國宦豎載鹽百餘艦抑市於民格捕其首置於法斥其鹽出境外小人不得行其私者請毀之 上欲保全特陞南京工部侍郎詳本部

沈暉字

直隸宜興縣人天順庚辰進士弘治九年以右副

都御史任十一年陞南京工部侍郎在湖奏定各藩歲祿驗丁糧定徭役輕重長沙武鄂諸郡逋負至二百餘萬上奏宜命官檢實有所解縱 詔卽委之蠲民五十餘萬折徵餘萬官民利之湖南宣慰諸司交惡或請勦之上言蠻夷相攻不可以疲中國其後夷人亦自解兵平漢鎮遠地邊貴州所司奉欲割屬貴暉言天牙相制自 祖宗深意不可輕變惟征調詞訟屬之

貴詳南京工部侍郎

閻仲宇字

陝西隴州人成化乙未進士弘治十一年以右

副都御史任時全楚災設法賑濟仍疏蠲賦額永順等山苗時發并洞庭水寇爲民患各嚴憲禁撤守巡坐鎮之杜其往來而楚恃以無虞踰一考召理院事詳兵部尚書

韓重字

山西絳州人成化戊戌進士授禮科給事中歷順

天府尹弘治十四年陞巡撫遼東左副都御史十五年改任十八年陞南京兵部侍郎詳南京工部尚書


王鑑之字明仲浙江山陰縣人成化戊戌進士授北直元氏知縣歷撫治鄖陽左僉都弘治十八年以左副都御史巡撫在任

速畏民懷奸豪膽落正德元年陞南刑部右侍郎詳刑部尚書
郝志義字宜之陝西清澗縣人成化己丑進士歷布政弘治十
八年以右副都御史任正德元年陞南京戶部右侍郎詳本部
湯全字直隸松江府華亭縣人成化壬辰進士正德元年
以右副都御史任二年致仕

劉纓字與清直隸蘇州衛籍江西新淦縣人成化戊戌進士正
德二年以右副都御史巡撫斬守余忠爲荆藩所計力爲奏辨
得減死論三年陞南京大理寺卿詳南京刑部尚書

張子麟字元瑞直隸藁城縣人成化甲辰進士授南大理寺詳
事歷河南左布政使正德三年以右副都御史任值荆南凶濟

以便宜亟於傾廩緩於措券活民四十餘萬急邊圉謹諸備戒
戎律飭官常撫居剽叛舉良刺頑未幾改督糧儲於南京詳刑
部尚書

王綸字  浙江寧波府慈谿縣人成化甲辰進士正德三年
以右副都御史任五年丁憂卒於途

陳鎬字宗之南京欽天監籍浙江會稽人成化丁未進士弘治
十六年任山東提學副使正德五年以右副都御史任七年致
仕

劉丙字文煥江西安福縣人成化丁未進士歷左布政使正德
七年以右副都御史任九年陞工部右侍郎兼僉都督川湖大

木十三年卒

陳璘字

山西陽曲縣人弘治癸丑進士正德八年任河南

左布政使九年以右副都御史任本年改撫延綏詳延綏巡撫
秦金字國聲直隸無錫縣人弘治癸丑進士任山東左布政正
德九年以右副都御史任抵官不携家所至問疾苦誅奸貪威
警惠流奏上便宜八事繼上十事皆切務又擒巨盜賀璋廖琪
於江討猺獠於榔桂靖叛苗於香爐峰逆濠之變中官李鎮附
江彬橫肆誅求抗辭直奏以身當之民免於毒十五年陞戶部
右侍郎詳南京兵部尚書

席書字文同四川遂寧縣人弘治庚戌進士正德十六年以福

建左布政陞右副都御史巡撫湖廣時楚府納級指揮甘玉海
武昌通判張某衛使劉良號三虎皆善承上官大肆貪虐軍民
苦之皆置之法長沙宋知府卿窮極貪酷郡人重足發其贓巨
萬緡捕奸惡數十人辨大冤抑數十事皆極明允嘉靖元年陞
南京兵部右侍郎詳內閣

張琮字



應天府江寧籍直隸吳縣人弘治庚戌進士嘉靖

元年由廣西左布政使遷右副都御史巡撫布德意不事苛察
屢奉勅諭龍脊愈隆修理顯陵綜理精而財用以充奉迎

神輿思慮周而民用不擾存活饑民平治妖逆丁爵李全隴政等
數十族建義塚修厲壇追逋負三年陞南京工部侍郎詳南院

右都

黃衷字

廣東南海縣人弘治丙辰進士授南京戶部主事

歷雲南左布政使嘉靖四年由巡撫雲南右副都御史改撫湖
廣六年陞工部右侍郎兼左僉都御史督木四川詳勅使四川

國朝列卿紀卷之一百十一終